



**Sud Bosne i Hercegovine
Sud Bosne i Hecegovine**

**Broj: S1 3 Iž 037393 20 Iž
Sarajevo, 13.10.2020. godine**

Sud Bosne i Hercegovine, u drugostepenom vijeću sastavljenom od sudija Dinke Bešlagić - Čovrk kao predsjednika vijeća, Vesne Trifunović i Srete Crnjaka kao članova vijeća, odlučujući o žalbi Katarine Glamatović sa boravkom u Njemačkoj, Unterleimbach 11 88677 Markdorf, koja osporava odluku Centralne izborne komisije BiH broj 05-1-07-1-998/20 od 01.10.2020. godine o odbijanju upisa u izvod iz Centralnog biračkog spiska za glasnje izvan Bosne i Hercegovine za Lokalne izbore 2020. godine, u nejavnoj sjednici, održanoj dana 13.10.2020. godine, donio je

R J E Š E N J E

Žalba se odbija.

O b r a z l o ž e n j e

Odlukom Centralne izborne komisije Bosne i Hercegovine broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020 .godine po podnesenim prijavama do 01.09.2018.godine jer nisu ispunjeni uslovi propisani odredbom člana 3.15 stav 1, 2 i 3 Izbornog zakona Bosne i Hercegovine.

Protiv navedene odluke žaliteljica Katarina Glamatović je blagovremeno izjavila žalbu u kojoj navodi da istu osporava jer se njeno ime ne nalazi na popisu birača koji glasaju iz inostranstva. U prilogu dostavlja kopiju pasoša te kopiju lične karte uz napomenu da je lična karta istekla dana 03.08.2020. godine, ali da zbog Covid-a 19 nije bila u mogućnosti doći u Usoru, kako bi istu produžila. Moli da se žalba uvaži na način da joj se omogući glasanje van BiH.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana jer je žaliteljica uz prijavu za glasanje izvan BiH nije dostavila zakonom propisani dokaz o identitetu.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Pravilna je i zakonita odluka Centralne izborne komisije BiH kojom je odbijena prijava Katarine Glavatović za upis u izvod iz Centralnog biračkog spisa za glasanje izvan Bosne i Hercegovine jer imenovana uz prijavu nije dostavila važeći identifikacioni dokument. Time nisu ispunjeni uslovi propisani članom 3.15. stav 1 Izbornog zakona (Sl. glasnik BiH br.23/01 sa izmjenama) da se državljanin Bosne i Hercegovine koji privremeno živi u inostranstvu, nađe na izvodu Centralnog biračkog spiska za glasanje van zemlje budući da član 5.12 stav 4 istog zakona propisuje da je važeća lična isprava za birače, lična karta, pasoš i vozačka dozvola.

Centralna izborna komisija Bosne i Hercegovine u osporavanom rješenju pravilno je utvrdila činjenicu da žaliteljica uz prijavu za glasnja izvan BiH nije dostavio ni jedan važeći zakonom propisani dokument o identitetu. Uz prijavu priložena lična karta izdata u BiH, a li kojoj je istekao rok važenja sa danom 03.08.2020. godine, ne može se smatrati validnim dokazom o identitetu predviđen Izbornim zakonom, te je prilikom odlučivanja CIK BiH pravilno primjenio zakonsku odredbu koja propisuje uslove za prihvatanje prijave za glasanje van BiH.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
S U D I J A**

Dinka Bešlagić - Čovrk